

Cauhlaeb Aen Guengjsae Gyaeundeir Raiz Bien Moq

谱写建设壮美广西新篇章

——Siz Ginbingz Cungjsuhgi Cazyawj Gvangjsih Yinx Dwk Fanjyengj Gig Naemq

——习近平总书记考察广西引起热烈反响

Bonjbauq siusik (gicej Cinz Yajnz) Cunghung Cunghyangh cungjsuhgi、Cunghyangh Ginhvej cujsiz Siz Ginbingz mboengqneix cazyawj le Gvangjsih raeuz. Gak cuz ganbu vunzlai gih raeuz raen cungjsuhgi daengz Gvangjsih le cungj roxnyinh cingsaenz gvaekgvaek. Gyoengqvunz foenfoen naeuz, itdingh aeu geiqmaenh gij vahdak cungjsuhgi, cauhlaeb aen Guengjsae gyaeundeir sevei cujyi miz gij daegsaek Cungguk seizdaih moq bae raiz bien moq.

Veiz Cihbauj dwg boux “govuengz” Gvangjsih, daeg 90 nienz seng neix dwg daj Yizcouh aen ranzmbanj Liuz Sanhcej daeuj. De yawjraen siusik le sim’ angq raeuh, doq bien fwen doq son vunzlai eu hwnjdaej.

Seizneix, daengx gih gungh miz 1949 aen gak gaep aengih yienghndei minzczuz doxgiet baenaj, 134 aen dieggiek guh son’ gyauq minzczuz doxgiet baenaj caeuq dieggiek guh son’ gyauq saedguh cukmaenh gij eijsik caezcaemh Cunghvaz Minzczuz. Neix cungj dwg gij makbaenz youqgaenj cauhlaeb、son’ gyauq lwnhgangj gij hongsaeh minzczuz doxgiet baenaj daengx gih.

Vuz Hansiz boux Swcigih Minzczunghvej Genhduz Genjcazcu cucangj nyinhnaeuz, aeu nyinhcaen hag caemhcai gvanzez guhsaed gij vah youqgaenj Siz Ginbingz cungjsuhgi, dawz diuz rap moq bae guhlaeg gij hongsaeh cauhlaeb aengih yienghndei minzczuz doxgiet baenaj. Laebmaenh gij “vuj gvanh” deng haenx, ciengxlwenx dawz “sam aen liz mbouj ndaej” geiq haeuj sim, mboujduenh dem ak “haj aen nyinhdoengz”. Ra roen moq cauhmoq gij lijniemh fuengfap,



▲ Vunzlai Mbanjcinzsangh yawj gij siusik Siz Ginbingz gaujcaz Gvangjsih. (Yi Siengz ingj)

doidoengh hozdung “caet haeuj”, caemhcai hawj de “haeuj ranz” “haeuj cehgenh、vihhong”. Hwnqguh bingzdaiz hawj daengx biengz cungj ndaej camgya, dajcauh buek dieggiek son’ gyauq saedguh cukmaenh gij eijsik caezcaemh Cunghvaz Minzczuz miz daegsaek daengj, doxgiet daengx gih gak cuz lwmminz caez guh aen ranzmbanj gyaeundeir ndeu.

Liuz Cincungh boux Liujcouh Si Minzczunghvej fucujyin naeuz, raeuz laebsim gvanzez “byaij diuz roen moq cienzmienh cauhlaeb aen sevei cujyi yendaiva cungj mbouj ndaej noix saek aen minzczuz” gij vah Siz

cungjsuhgi gangj haenx. Guh ndei hozdung gyo’ mbaic aendangj、riengz aendangj byaij, giethab son’ gyauq lizsij aendangj, cunggez gij cwngecz daj duetgungz gunggeng doxdaeuj、“diuz roen coih daengz gizlawz, minzczuz doxgiet baenaj couh cauhlaeb daengz gizlawz” gij ginghniemh neix bae fatyengz gij cingsaenz mbouj duenh roengzrengz baenaj, doicaenh dieg minzczuz Liujcouh Si caetliengh hwnghat ndaej sang.

4 nyied 27 hauh gyanghaet, Siz Ginbingz cungjsuhgi daengz Gvangjsih Bozvuzgvanj cazyawj, de dingz youq dangqnaj aen daiz Hawfwen Duzmbaj

Yauzczu dingq gyoengqvunz eu fwen. Neix hawj Lij Cinlingz boux Fuconh Yauzczu Swciyen Minzczunghgiz gizcangj simhai raixcaix, de doq youq Veihsin fat le gij siusik neix. De naeuz: “Bi 2020 Fuconh aeu ndaej aen mingzdaeuz aenyen yienghndei daengx guk minzczuz doxgiet baenaj, neix dwg gij makbaenz gak cuz ganbu vunzlai doxgiet doxbang、caezsim roengzrengz guh okdaeuj he.” Baezlaeng Fuconh youq dieg hainduj moq yae aeu biucinj engq sang bae guhyiengh, doed’ ok “haj aen engqgya”, cauhlaeb gij hongsaeh minzczuz doxgiet baenaj raiz bien moq.

Bwzswz: Hamj Dieg Caez Doi Minzczuz Doxgiet

百色：跨区域协同推进民族团结

Mboengqneix, Bwzswz Si caeuq Yinznanz Swngj Vwnzsanh Couh、Cauhdungh Si、Gizcing Si、Sih-sanghbanjnaz Couh dinghlaeb le aen lenzmungz gunghyoz Gvangjsih Yinznanz song swngj(gih) haj si (couh) cauhlaeb minzczuz doxgiet baenaj.

Haj si(couh) daj gyauej daengz rieng cungj yae genhciz aeu aendangj dazyinx, hagsib gvanzez Aen Swhsiengj Sevei Cujyi Miz Gij Daegsaek Cungguk Seizdaihmoq Siz Ginbingz, dem gij cingsaenz gangjavah

gvendaengz hongsaeh minzczuz youqgaenj Siz cungjsuhgi, dawz gij hongsaeh cauhlaeb minzczuz doxgiet baenaj guh ndaej cienzmienh、guh ndaej laeg、guh ndaej nanz, laebdaeb cauhmoq caeuq hwnghat gij hongsaeh cauhlaeb song swngj(gih) haj si (couh).

Haj si(couh) aeu gyalag nei-yungz cauhguh, yungh lai yiengh hingzik guh hong, hawj gvaengxlaengx cauhlaeb engq gvangq, mbouj duenh cukmaenh gij eijsik caezcaemh Cunghvaz Minzczuz; laeb ndei bouj

ndei aen gunghcoz gihci lenzmungz, lai doxgyau、doxbang, dox vuenh siusik、caeziengj swhyenz、itheij diuzgaij mauzdun daengj hawj nyinhrox doxdoengz、bienqbaenz cidu, caez doi hongsaeh minzczuz hwnghat ndaej ndei ndaej nanz; doxcaeuq guh gij hozdung aeu son’ gyauq lwnhgangj “Cunghvaz Minzczuz ranz caen ndeu, doengsim caez cuk loqsiengj Cunghguk” guh cawjdaez, hawj gak cuz vunzlai song swngj (gih) haj si(couh) engq sugseg, coicaenh doxgiet.

Haj si(couh) aeu roengzrengz cauhlaeb aen ranzmbanj cingsaenz gak minzczuz doxcaemh ndeu, gyamaenh hwnghat aenbuenz ndei gak minzczuz caezhoz buekguh、huzndei doxmai、doxhuz hwnghat haenx; aeu gyamaenh gij makbaenz cauhlaeb minzczuz doxgiet baenaj, henhoh ndei gij ndwenngoengz daihndei gak cuz vunzlai doxndei haenx, song swngj (gih) haj si(couh) caez daemh ok diuz roen moq bae cauhlaeb minzczuz doxgiet baenaj.

(Vuj Cunghgoz / 伍忠国)